

# ТОШКЕНТ ОҚШОМИ

2006 йил, 4 январь, Чоршанба

Газета 1966 йил  
1 июлдан  
чиқа бошлаган

ШАҲАР ИЖТИМОИЙ-СИЁСИЙ КУНДАЛИК ГАЗЕТАСИ

№ 2 (10.559)

Баҳоси эркин нарҳда

## ПОЙТАХТНИНГ Бир кунни Янгиликлар, воқеалар

### Кечка сатрларда

● **КЕЧА** Чилонзор туманидаги «Дўстлик», «Халқлар дўстлиги», «Катта Қозиробод», «Нўғойқўрғон», «Навбахор», «Чилонзор» маҳаллаларида яшовчи болажонлар, кичкинтойлар учун «Қамолот» ЁИХ Чилонзор туман бўлими Кенгаши томонидан уюштирилган Арча байрами тантаналарида қатнашчиларга Қорбобо ва Қорқизнинг совғалари улашилди.

● **КЕЧА** Учтепа туманидаги «Дегрез», «Қорғон», «Шафтолизор», «Боғи Чинор» маҳаллаларида «Кўчма арча» лойиҳаси доирасида арча байрами томошалари ўтказилди.

● **ХАЛҚАРО** почта-матч очик акциядорлик жамиятининг Миробод туман филиалида «Маънавият ва маърифат» марказининг Миробод туман бўлими ташаббуси билан уюштирилган тадбир «Ўзбекистон Республикасининг янги Қонунлари» деб номланди.

● **СЕРГЕЛИ** туманидаги ҳарбий қисмда «Маънавият ва маърифат» марказининг туман бўлими, туман мудофаа ишлари бўлими ҳамкорликларида аскарлар ўртасида ташкил этилган «Кувноқлар» беллашуви Ватан ҳимоячилари кунига бағишланди.

● **МИРОБОД** туманидаги Тошкент шаҳар ИИББга қарашли Воёга етмаганларга ижтимоий-ҳуқуқий ёрдам кўрсатиш марказида Миробод туман хотин-қизлар кўмитаси, «Маънавият ва маърифат» марказининг туман бўлими, туман савдо департаменти ҳамкорликларида Янги йилга бағишлаб ўтказилган тадбирда қатнашчиларга Қорбобо ва Қорқиз томонидан совғалар берилди.

Тошкент шаҳар ҳокими Я.Матбобут хизмати ва ўз муҳбирларимиз хабарларидан.



Пойтахтимида фаолият кўрсатаётган «Шафқат-текстиль» кўшма корхонаси тадбиркорлари нафақат ички, балки хориж бозориди ҳам ўз харидорларига эга бўлишга интилишмоқда. Бунинг учун эса рақобатбардош маҳсулот турларини кўпайтириш, замонавий техника ва технологиялардан самарали фойдаланиш, маркетинг ишларини яхши йўлга қўйишга катта эътибор қаратишмоқда.

## Ўзбекистонда тайёрланган ХОРИЖНИКИДАН ҚОЛИШМАЙДИ

Шу боис бўлса керак, ўтган қисқа вақт — фаолиятига 2 йил бўлишига қарамай болажонлар учун тоза пахта матосидан тайёрланаётган маҳсулот турлари 140 тадан ортиб кетди. Ҳам чиройли, ҳам сифатли, кичкинтойлар учун қулай, ювганда бўёғи ўчмайдиган болажон кийим-кечаклари ҳозирги кунда пойтахтимидаги 100дан зиёд савдо шохобчаларига етказиб берилмоқда. Шунинг баробарида корхона қошида фаолият кўрсатаётган фирма дўконларида ҳам харидорларга сотилмоқда.

— Боланинг ўзи ширин, айниқса ўзига ярашқли чиройли либос уни янада янашати юборди, — дейди корхона директори Рокия Хабилова. — Шу боис ҳам бизнинг кўшма корхонани очишдан мақсадимиз аввало ички бозорни четдан келтириладиган товарлар ўрнини босувчи чақалоқлар ашёлари ва 3 ёшга бўлган кичкинтойларнинг барча турдаги либослари билан таъминлаш эди. Бунда, албатта, модельерларимизнинг изланишлари яхши самара бермоқда. Болалар учун қулай, саломатликка ярашқли, яхши ўсишларига зарар етказмайдиган ҳамда бежирим ва ярашқилиги билан харидорларни жалб этувчи

кийим-кечакларимиз ҳозирда ички бозорда ўрнини топмоқда.

Кўшма корхона тадбиркорлари болалар кийим-кечакларининг янада рақобатбардош янги турларини яратиш йўлида доимий изланишда. Яқинда Хитой давлатидан келтириб ўрнатилган нақш солувчи ускуна бунга имконият яратди, товарлар сифатини ошириш, шубҳасиз. Бунинг учун корхона раҳбарлари яқинда Хитойда бўлишди. Албатта, янги линиянинг ўрнатилиши кўшма ишчи ўринлари яратилишида ҳам катта аҳамият касб этди.

Келгусида эса тадбиркорлар 8 ёшгача бўлган ўғил-қизлар учун ҳам кийим-кечаклар турини ишлаб чиқаришни режалашган. Шунингдек, улар ўз маҳсулотларини «Ўзбекистонда ишлаб чиқарилган» ёрлиги билан Россия давлатига экспорт қилиш ниятида. Демак, бири-бирини бежирим болажон либослари хорижда ҳам харидорларини топади.

**Шарифа ИЛЁСОВА**  
СУРАТДА: корхона ёш тикувчиларининг янги болалар кийимларини тайёрлашда ҳиссаси салмоқлидир.

Ҳакимжон Солихов олган сурат

## Фармон ва ижро ҚУДАЙ МУҲИТ ЯРАТИЛМОҚДА

**Мамлакатимиз раҳбари томонидан тадбиркорликнинг изчил ривожланишини таъминлаш, бизнес субъектларини ҳуқуқий ҳимоя қилиш тизимини янада такомиллаштириш, хусусий тармоқнинг республика иқтисодиётидаги улушини кўпайтириш мақсадида кўплаб Фармон ва Қарорлар қабул қилинмоқда.**

Хусусан, Ўзбекистон Республикаси Президентининг 2005 йил 5 октябрдаги «Тадбиркорлик субъектларини текширишни янада қисқартириш ва унинг тизимини такомиллаштириш чора-тадбирлари тўғрисида»ги Фармони тадбиркорлик субъектлари фа-

олиятида катта бурилиш ясади десак муболага бўлмайди, зеро бир пайтлар назорат кучайтирилишига ургу берилган бўлса, мазкур Фармонга асосан давлат ва тадбиркорлик субъектлари ўртасидаги алоқа ишонч устуворлигида мустаҳкамланиб бораётди.

Бугунги кунда ушбу ҳужжат талаблари татбиқ этилмоқда, унинг аҳамияти ва моҳияти хусусида эса жойларда тушунтириш ишлари ҳам давом этаётди. Жумладан, «Тадбиркорлик субъектларини текширишни янада қисқартириш ва унинг тизимини такомиллаштириш чора-тадбирлари тўғрисида»ги Фармоннинг Бектемир тумани ҳудудий комиссиясининг тадбиркорлар иштирокида ўтказилган йиғилишларида ҳам аҳолига муҳомама этилиши давом этмоқда. Бундай тадбирлар давомидида мазкур Фармон ижросини таъминлаш бўйича туманда амалга оширилётган ишлар билан бир қаторда тадбиркорлик субъектларининг эркин фаолият

кўрсатиши учун қулай яратилиши, уларга кўмакдош бўлиш ва енгилликлар яратиш имкониятлари ҳақида кўплаб фикр-мулоҳазалар билдирилмоқда. Бу борада асосий эътибор ҳуқуқат қарорлари, ҳуқуқий ва меъёрий мезонларга доимий амал қилувчи субъектлар текширувлар режасига тўрт йилда бир марта киритилиши, янги очилган корхоналар икки йилдан сўнг, бошқа ҳўжалик субъектларини эса кўпи билан уч йилда бир марта текширувлар режасига қатъий танлаш мезони асосида киритилишига қаратилмоқда.

Ҳар бир туманда бўлгани каби, Бектемир туманида ҳам ҳўжалик юритувчи субъектлар, шу жумладан кичик бизнес корхоналарида олиб бориладиган текширувларнинг ҳўнунийлигини назорат қилиш учун ишчи гуруҳи тузилган. Улар томонидан қайд этилган Фармон бўйича амалга оширилган чора-тадбирларнинг ҳисобот тарзида туман ҳудудий комиссиясига тақдим этилиши йўлга қўйилган.

Бектемир туман Давлат санитария-эпидемиология назорати маркази ходимлари ўртасида ҳам ушбу Фармон чуқур ва аҳолига ўрганиб чиқилди. Мутахассислар

томонидан олиб бориладиган текширувлар танлов асосида истиқболдаги йиллар учун режалаштирилди ва Назорат қилувчи органлар фаолиятини мувофиқлаштириш Республика Кенгашига тақдим этилди. Янги иш юритиш учун расмий рўқсатнома олишга келаётган ҳўжалик субъектларига Фармон моҳиятидан келиб чиққан ҳолда ҳўноқуний аралашувларни қатъий чеклаш мақсадида уларнинг бу борадаги ҳўқуқ ва мажбуриятлари, хусусан текширувлар меъёрий ҳўжатларга доимий амал қилиниши, ҳўқуқат қарорларининг ўз вақтида бажарилиши натижасида янада қисқартирилиши, уларнинг фаолиятига аралашувлар кескин камайишига олиб келиши тушунтирилмоқда.

Фақат тадбиркорлар ва назорат қилувчи органларнинг ҳамкорликдаги меҳнати эвазига халқимизнинг фаровонлигини ошириш ва мамлакатимиз раванқига хизмат қилувчи илоҳотларни ҳаётга самарали татбиқ этишимиз мумкин.

**Баҳодир УМАРОВ,**  
Бектемир тумани Давлат санитария-эпидемиология назорати маркази бош шифокори

## САМИМИЙ ТАБРИКЛАР

Ўзбекистон Республикаси Президенти Ислам Каримов номига янги, 2006 йил кириб келиши муносабати билан қатор хорижий давлатлар ва ҳўкуматлар раҳбарларидан жаҳонда тинчлик ва осойишталик, Ўзбекистон халқига бахт-саодат ва омонлик тилаб, эзгу истаклар изҳор этилган самимий қўтловлар ҳамон келиб турибди.

Қуйидагилар самимий тилаклар битилган табриқномаларини йўллашган:

Исландия Президенти Олавура Рагнар Гримссон ва унинг рафиқаси Дорит Муосалинг;

Норвегия Қироли Харальд V;

Польша Республикаси Президенти Александер Квасьневски;

Бразилия Федератив Республикаси Президенти Луис Инасио Лула да Силва ва унинг рафиқаси Мариса Летисиа Лула да Силва;

Украина Президенти Виктор Ющенко;

Литва Республикаси Президенти Валдас Адамкус ва унинг рафиқаси Алма Адамкус;

Озарбойжон Республикаси Президенти Илҳом Алиев;

Москва ва Бутун Русь Патриархи Алексий II;

Бошқирдистон Республикаси Президенти Муртазо Рахимов;

Россия Федерацияси Ҳўкумати Раиси Михаил Фрадков;

Туркия Республикаси Бош вазири Режеп Таййип Эрдоган.

## 14 январь — Ватан

### ҲИМОЯЧИЛАРИ КУНИ

## МАҚСАД — ҲАҚИҚИЙ ВАТАНПАРВАРЛАРНИ ТАРБИЯЛАШ

Ўзбекистон Республикаси Президенти, Қуролли Кучлар Олий Бош қўмондонидан Ислам Каримовнинг шу йил 29 ноябрдаги «Ватан ҳимоячилари кунига тайёрларлик кўриш ва уни ўтказиш тўғрисида»ги фармойиши асосида Ўзбекистон мудофаасига кўмаклашувчи «Ватанпарвар» ташкилоти марказий кенгаши тегишли вазирликлар, давлат ва жамоат ташкилотлари билан ҳамкорликда ишлаб чиқилган тадбирлар режасини амалга оширмоқда.

— Курсантларимиз ҳарбий қисм ва сержантлар тайёрлаш мактабларида бўлиб, ҳарбийлар ҳаёти ва жанговар техникалар билан яқиндан танишмоқда, — дейди мазкур ташкилот марказий кенгаши раиси, полковник Абдулазиз Абдуқаҳоров. — Уларга Қуролли Кучларимизни барпо этиш тарихи, унинг миллий хавфсизлигимизни таъминлашдаги ўрни ва аҳамияти тушунтирилмоқда.

Барча ўқув муассасаларида давлатимиз раҳбарининг «Миллий армиямиз — мустақиллигимизнинг, тинч ва осойишта ҳаётимизнинг мустаҳкам қалолати» рисолиси асосида сўхбатлар уюштирилиб, ҳарбий ҳаётни акс эттирувчи кўргазмали бурчаклар ташкил этилди. Ўтказилаётган турли беллашувлар аскар ва чақирилувчиларда ватанпарварлик, мардлик ва садоқат, миллий армиямиз билан фахрланиш туйғуларини шакллантиришга хизмат қилляпти.

Шу мақсадда Тошкент бирлашган техника мактаби, Чирчиқ ва Олмалик автомобиль мактабларида ўтказилаётган «Очик эшиклар кунини» курсантларимизнинг оила аъзолари, уруш ва меҳнат фахрийлари, ёшлар, таниқли санъаткорлар иштирок этади.

Республика техник ва амалий спорт турлари марказида янги мусобақалар мавсуми бошланди. Тегишли вазирликлар билан ҳамкорликда мактаб ўқувчилари ўртасида «Шунқорлар» ҳарбий-спорт ўйинларини ўтказиш дастури ишлаб чиқилди. «Хаво милитигидан отиш» ва «Ёзги биатлон» бўйича туман, шаҳар, вилоят мусобақалари ўтказилмоқда.

Мамлакатимизда, барча ҳарбий қисм ва батальонларда байрамона муҳитни яратишга қаратилган бундай тадбирлар ҳарбийларимиз кучига куч, ғайратига ғайрат қўйиши шубҳасиз. Ўзбекистон мудофаасига кўмаклашувчи «Ватанпарвар» ташкилотининг бош мақсади ҳам мустақилликни мустаҳкамлаш, уни муносиб ҳимоя қила оладиган ҳар жиҳатдан баркамол юрт посбонларини тарбиялашдан иборат.

**Холмурод САЛИМОВ,**  
ЎЗА муҳбири

## XXI АСР САДОСИ

БАРЧА МАНБАЛАРДАН ОЛИНГАН  
СЎНГИ ХАБАРЛАР

### МАМЛАКАТИМИЗДА

● «Президент арчаси» Янги йил байрами бутун вилоятдаги кам таъминланган ва кўп болали, боқувчисини йўқотган оилаларнинг 450 дан ортиқ фарзандлари иштирокида А.Навоий номидаги Наманган вилоят драма театрида бўлиб ўтди.

● Ўзбекистон Мудофаасига кўмаклашувчи «Ватанпарвар» ташкилотининг Навоий вилоят кенгаши ташаббуси билан оммавий ватанпарварлик ойлигига бағишланган тадбирларнинг бири Навоий шаҳридаги автомобиль мактабиди бўлиб ўтди. Унда ёшларни ватанпарварлик руҳида тарбиялаш, ҳарбий хизматга тайёрлаш борасида амалга оширилаётган кенг қўламли ишлар хусусида сўз борди.

● Самарқанд шаҳрида ўтказилган бўш иш ўринлари ярмаркасида 38 та корхона ва ташкилот ўзларидаги мавжуд 600 та квота ва бўш иш ўринлари билан қатнашди. Иш сўраб келган ёшларнинг 100 дан зиёди ўз касби ва мутахассислиги бўйича ишга жойлаштирилди.

● Янги йил байрами арафасида Марғилон шаҳрида 825 ўқувчига мўлжалланган янги академик лицей фойдаланишга топширилди. Марғилон шаҳрининг 2000 йиллик тўйи олдидан ажойиб тухфа бўлган мазкур янги ўқув масканида ёшлар тўртта йўналиш бўйича билим оладилар.

● Қашқадарё вилоятида ҳар ҳафтанинг яқинида кун «Ижтимоий ҳимояга муҳтож оилалар ҳолидан хабар олиш кунини» деб белгиланди. Бунда аҳолининг кам таъминланган, ижтимоий ҳимояга муҳтож қисми, боқувчисини йўқотганларни моддий ва маънавий қўллаб-қувватлашга мунтазам тус бериш кўзда тутилган.

● Тошкент вилоятининг Олмалик шаҳрида Давлат мулк қўмитаси томонидан Олмалик, Ангрен, Оҳангарон шаҳарлари ва Оҳангарон туманидаги корхоналар раҳбарлари, мутахассислари ҳамда тадбиркорлар иштирокида «Хусусийлаштирилган корхоналарда корпоратив бошқарув тизимини жорий этиш, уларни молиявий соғломлаштириш борасидаги ишлар» мавзусида ҳудудий семинар бўлиб ўтди.

● 2005 йилнинг сўнги кунларида «Қорақалпоқфильм» студияси ижодий жамоаси иккита янги фильм тақдиминони ўтказди. Бу чўпонлар ҳаёт тарзига бағишланган «Қопкончи» қисқа метражли ҳамда қорақалпоқ халқининг миллий анъаналарига бағишланган «Келинчақ» фильмларидир.

● Чимбой педагогика коллежида «Қамолот» ёшлар ижтимоий ҳаракати ҳамда мудофаага кўмаклашувчи «Ватанпарвар» ташкилотининг туман бўлимлари ташаббуси билан ёшлар иш тироқига учрашув ўтказилди.

● Оқолтин тумани, Сардоба қўرғонидида чигитни қайта ишлайдиган янги мини завод барпо этилди. Германия технологияси асосида жиҳозланган корхона атиги беш ойда қурилиб, ишга туширилди. Бу ерда бир кунда 80 тонна чигит қайта ишланиб, фермерларга узлуқсиз ёғ, шрот, шулха маҳсулотлари етказиб берилмоқда.

● Янги йил арафасида Қуйи Чирчиқ туманидаги «Қўрғонча» қишлоқ фуқаролар йиғини ҳудудига газ қувури тортилиб, 100 га яқин хонадонда «зангори олов» порлай бошлади. Ушбу мақсадларда қишлоқда 70 миллион сўмликка яқин қурилиш-монтаж ишлари бажарилиди.

● Наманганда фольклор кўшиқлари танлови бўлиб ўтди. Кўрик-танлов фольклор халқ калбидида яшаётгани ва ўзбек кўшиқчилиги маданиятининг асосини ташкил этишини яна бир бор кўрсатди.

### ЖАҲОНДА

● Ачех вилоятини Индонезия ҳўкумат кучларининг сўнги ҳарбийлари тарк этди. Бу вилоятда кечган 30 йиллик фуқаролар урушининг якун толганидан далолат беради. Келишувга биноан исёни кучлар ҳам қуролларини топширмоқда.

● Жаҳон нефть бозориди нарх-наво яна кўтарила бошлади. Жумладан, Нью-Йорк хом ашё бозоридида сўнги савдолар чоғида бир баррел «қора олтин» 61,42 долларга баҳоланди. Лондондаги халқаро нефть айрибошлаш бозориди эса бир баррел нефть 5942 долларга сотилган.

● Европанин деярли барча давлатларида сўнги кунлар ичиди юз берган қор бўронлари мутахассисларнинг таъкидлашича, охириги 20 йил ичиди юз берган энг кучлисидир. Франция, Германия ва Италия ҳўкуматлари йўлларини яхлагани, асосийларини қор босгани, дарахт ва симёғочларнинг ағдарилганлиги туйғайли ҳайдовчиларнинг заруратсиз машиналарига ўтирмасликларини маслаҳат берапти.

● Ҳазо секторида ўғирлаб кетилган уч нафар британиялик фуқаро озод этилди.

● Германиянинг Бавария ерида жойлашган Бад Рейхенкал шаҳридаги муз саройининг томи ўпирилиб тушиши натижасида 11 киши ҳаётдан кўз юмган, 30 дан ортиғи жароҳатланган. Жароҳатланганларнинг аксарияти оғир ахволда. Айни пайтда бу ерда ўргатилган итлар ёрдамида қутқарув ва излаш ишлари давом этмоқда.

● Индонезиянинг Ява оролида табиий офат юз берди. Икки кун давом этган тинимсиз ёмғир Панти туманида кучли тошқинни келтириб чиқарди. Натижада мингдан ортиқ киши ташки дунёдан узилди қолди.

● Сешанба кунидан бошлаб Фаластинда 25 январга мўлжалланган парламент сайловлари кизгин тайёргарлик бошланди. Бирок, Фаластин мухториятининг раҳбари Махмуд Аббоснинг таъкидлашича, Исроил Иерусалим ҳудудидида яшовчиларга овоз бериш учун рўқсат бермаса сайловлар қолдирилиши мумкин.

● Бир гуруҳ россиялик альпинистлар Янги йил байрами Эльбрус тоғи чўққисидида нишонладилар. Бу ерда ҳўқм сурган 50° соғуқ ҳавода ҳатто шампань винолари ҳам қуйилиши билан яхлаб қолди.

### ОБ-ҲАВО МАЪЛУМОТИ

Гидрометеорология бош бошқармасининг хабар беришича, 5 январь кунни Тошкентда ҳаво ўзгариб туради, қор ёғиб, туман тушиши мумкин. Шимолий-шарқдан секундида 5-10 метр тегишда шамол эсади. Кечаси 9-11, кундузи 1-3 даража соғуқ бўлади.



Ёшларни билимли, баркамол қилиб тарбиялаш учун амалга оширилиши лозим бўлган йўналиш ва вазифалар талайгина. Самарали ва сифатли билим бериш эса ана шу талабларнинг асосийси ҳисобланади. Бу ўқитувчилардан замон билан ҳамнафас қадам ташлаш, таълимдаги ҳар бир янгиликдан ўз вақтида бохабар бўлиш, дунё илгор тажрибаларини мунтазам кузатиб бориш, доимо ўз устида ишлаш, изланишни талаб этади. Дарс ва машғулотларни янги педагогик технология асосида ташкил этишга интилиш эса ана шу изланишларнинг бош йўналиши ҳисобланади.



## Санъат масканларида НУРДИ ИСТИҚБОЛ САРИ



Бугунги кунда Ҳамза Ҳакимзода Ниёзий номидаги республика мусиқа коллежида ҳам таълимдаги янги педагогик технологияларни жорий қилишга алоҳида эътибор қаратилмоқда.

Узининг 80 йиллигини нишонлаётган ушбу ўқув даргоҳи 1925 йил 11 майда Ўзбек давлат мусиқа техникуми сифатида ташкил этилган. 1936 йилдан эса Тошкент Давлат мусиқа билим юрти йўналишида фаолият кўрсата бошлаган. Олий ва ўрта махсус таълим вазирлигининг 2004 йил 30 июндаги 147-сонли буйруғига асосан ушбу ўқув масканига Ҳамза Ҳакимзода Ниёзий номидаги республика мусиқа коллежи мақоми берилди.

— Маданият ва спорт ишлари вазирлиги тасарруфидоги Республика мусиқа коллежисини, фортепиано, торли чолғулар, дамли ва зарбли чолғулар, ўзбек халқ чолғулари, баян, академик хонандлик, хор дирижёрлиги, аънавий иж-

рочилик, мусиқа назарияси ва композиция, эстрада санъати, мусиқий овоз операторлиги мутахассисликлари бўйича бошланғич мусиқа мактаб ўқитувчилари, жўрнавотлар, концерт ижрочилари, овоз операторлари ва бадий хаваскорлик жамоа раҳбарлари тайёрланади, — дейди коллеж директори, санъатшунослик фанлари номзоди доцент, Ботир Матқубов. — Истиқбол шарофати боис ўқув масканида ҳам анчагина ўзгаришлар рўй берди. Ўқув биномиз таъмирланди ҳам анчагина ўзгаришлар рўй берди. Ўқув биномиз таъмирланди ҳам анчагина ўзгаришлар рўй берди. Ўқув биномиз таъмирланди ҳам анчагина ўзгаришлар рўй берди.

билим олаётган ҳар бир ёшга санъатнинг мусиқий соҳасини мукамал эгаллашда ёрдам бериш. Уларни она юртимизга муҳаббат, юксак эҳтиром туйғулари билан севишга ўргатиш, кадрларимизни кадрлаш, урф-одатларимиз, аъналаримизни давом эттириб, Ватанимизга сидқидилдан хизмат қилишга чорлашдан иборатдир. Зеро санъатга ошурда диллар ҳар доим меҳру муҳаббатга тўлиқдир. Гўзаллик уларнинг шиори, яхшиликка интилиш, эзгулик нурларини таратиш эса, доимий бурчларидир.

Ушбу муқаддас даргоҳимиз ёшларни ҳаммиша энг ойдин, нури, истиқболли, раван йўллар сари элтаверади.

Дарҳақиқат, 60 ўринли ошона, умумий китоб фонди 77364 минг донани ташкил этадиган кутубхона, 100, 180 ўринли катта ва кичик концерт заллари, 59 та ўқув хоналари ва Республикада ягона орган чолғуси ҳам ёшларнинг

етарлича таълим-тарбия олишлари учун хизмат қилмоқда. Шунингдек, коллеж қошида мактабдан ташқари мусиқа мактаби ташкил қилинган бўлиб, унда 200 га яқин кичик ёшдаги ўқувчилар мусиқа сабоқларини ўрганмоқдалар. Мактабда тарбияланаётганлар орасида Республика ва халқаро фестивалларда совринли ўринларни қўлга киритаётган ўқувчилар ҳам бор. Мактаб коллежнинг амалиёт базаси сифатида ҳам хизмат қилмоқда.

Коллежни ўтган давр мобайнида 8000 га яқин мутахассис битирган. Мусиқа таълимига ва ижрочилик санъатига ўзининг салмоқли ҳиссасини қўшган фан доктори, профессорлардан А. Одилов, Т.Вызго, Р.Косимов, Т.Соломонова, Ўзбекистон халқ артистлари Комилжон Отаниёзов, Икром Акбаров, Ориф Қосимов, Кахрамон Дадаев, Сайфи Жалил, Фаррух Зокиров, Рўзимбек Муродов, Хайрулла Лутфуллаев, Ўзбекистон халқ хофизлари Орифхон Хотамов, Ҳасан Ражабий ва бир қанча санъат арбоблари, хизмат кўрсатган артистлар, халқ маорифи ва маданият ходимлари, фан номзодлари ҳам коллежнинг собиқ ўқувчилари ҳисобланади.

Бугунги кунда фан доктори, профессор Р.Абдуллаев, фан номзоди, доцент Б.Матқубов, Ўзбекистон халқ артисти Ў.Расулов, Ўзбекистон халқ хофизы Б.Дўстмуродов, Республикада хизмат кўрсатган санъат арбоблари Р.Петров, Т.Маҳмудов, Ўзбекистонда хизмат кўрсатган артистлар Ҳ.Исроилова, Н.Сатторова, К.Мирзаев, Ўзбекистонда хизмат кўрсатган ёшлар мураббийси Б.Атаев, Қорақалпоғистон халқ артисти, «Дустлик» ордени соҳиби К.Сержанов каби заҳматқаш ўқитувчилар талабаларга мусиқа санъатини янада теранроқ англашга ёрдам бермоқдалар.

Шулар натижаси ўлароқ ёшлар турли танловлар ғолиби бўлмоқ-

далар. Биргина 2005 йилнинг ўзида коллеж ўқувчиларидан Москва шаҳрида ўтказилган «Заҳги свою звезду» номли ёш эстрада хонандалари фестивалга танловда 3-курс талабаси Карина Сафарян 1-ўрин, Ойбек Турлибеков 2-ўрин соҳиби бўлишди. Алмати шаҳрида бўлиб ўтган «Бўзтўрғай» номли эстрада хонандалари танловда Ж.Мирзагаатов 1-ўринни эгаллади. 2004-2005 йилларда хорижда ўз малакасини оширган ўқувчилардан Н.Раҳимов, А.Авезов, И.Соколова, А.Шокодько, ўқитувчилардан Э.Мирҳидоят, А.Назаров, Ю.Усмонова, Л.Шевченко, М.Муродовлар Москвадаги Гнесинлар номидаги институт ва Остона мусиқа академияси профессорлари томонидан ўтказилган «Янги номлар» йўналишидаги «Мастер класс», «Устоз сабоқлари»да қатнашдилар.

Ҳар йили коллежни тугатган ёшларнинг 50-60 фоизи Ўзбекистон Давлат консерваториясига ўқишга қабул қилинади.

Бундай башоратчи эса коллежнинг республикамиздаги юқори нуфуздан дарак беради. Шунингдек, коллеж Интернет тармоғига улган бўлиб, ўз сайти мавжуд. Бунинг натижасида эса, Жанубий Кореядан 3 нафар ўқувчи шартнома асосида ўқишга қабул қилинди ва ўқини давом эттирмоқда.

Сўзимизни мухтасар қиладиган бўлсак, жамиятимизда олиб борилаётган кенг қўламли ислохотларни амалга оширишда, мусиқа санъатининг доврғини оламга ёйишда Ҳамза Ҳакимзода Ниёзий номидаги республика мусиқа коллежининг ўрни ҳам бекиёсди.

80 йиллик таваллудини нишонлаётган ушбу коллеж жамоасини кутлуг сана билан муборакбод этамиз.

Гулдехра ДУРДИЕВА СУРАТЛАРДА: коллеж ҳаётидан лавҳалар.

(Давоми. Боши ўтган сонларда.)

Гарчи тушлар кўп ҳолларда икир-чикир, бўлмағур нарса бўлиб, уйғоқлик ҳолатида тўғри чиқиши жуда кам учраган бўлса ҳам, баъзан тушда кўрганнигнни худди ўзидек воқеа уйғоқликда юз бериб қолади. Замона улғуларини туши илҳом — келгусида аён бўладиган нарсалардан дарак берувчи, деб ҳисоблаганлар. Юсуфи Сиддик ҳазратларининг — у кишига Оллоҳнинг саломни бўлсин, — ва Миср азизининг тушлари муҳтарам зотларга яширин бўлмаса керак. Узимча «шодд саодат тонги иноят матлаидан кўринса, андуҳ ва меҳнат кечаси тугалса», деган ҳаёлда эдим.

Тушнинг мазмунини суҳбатдошларим ўртасига ташлаб таъбирини сўраб турган эдимки, ногоҳ бир киши келиб, катта мамлакат ва олий салтанатга эга бўлган Биҳонагарнинг подшоҳи бир элчи орқали Сомурий номига «ҳазрат ҳоқони савийнинг элчисини тезда бу томонга юборилисин» деган мазмунда нишон-хат юборганини хабар қилди. Сомурий гарчи унинг ҳукми остида бўлмаса ҳам, аммо ундан жуда катта кўрқинчда экан. Чунки, айтишларича, Биҳонагар подшоҳи ҳар биттаси Қолиқутдек келадиган уч юзта бандарга эга бўлиб, унинг шаҳар ва вилоятининг чегараси қуруқлик билан юрганда икки-уч ойлик йўл экан. Қолиқут ва унга ёндашган бир неча бандарларнинг ҳаммасини Силон деб ҳам аталувчи Сарандиба қарама-қарши жойлашган Қоилгача Малибор деб атайдилар. Қолиқутдан Маккаий муборакка, — Оллоҳ унинг шарафини

Абдураззоқ САМАРҚАНДИЙ  
«МАТЛАЪ-И САЪДАЙН  
ВА МАЖМАЪ-И  
БАХРАЙН»  
АСАРДАН БОБЛАР

ва улғулигини кўпайтирсин, — кемалар қатнаб турадилар ва, кўпинча, мурч олиб борадилар. Қолиқутликлар денгизда сузишга жуда журъатли бўладилар ва «Чин боллар», деб машҳур бўлганлар. Қароқчилар денгизда Қолиқут кемаларига даҳл қилмайдилар. Бу бандарда ҳамма нарсаси топилади.

У ерда қорамолни ўлдирши ва гўштини ейишдан бўлак ҳеч айбли иш йўқ. Агар бирор кишининг қорамол гўшти еганлиги ва ёки қорамол ўлдирилганига маълум бўлиб қолса, у кишини тўхтовсиз қатл қиладилар. Улар қорамолни шундай азиз тутадиларки, унинг тезагининг қулини пешоналарига суртиб юрадилар; уларнинг ҳар бирига Оллоҳнинг лаънатлари бўлсин!

Шундай қилиб, мен Сомурийнинг ижозати билан Қолиқутдан чиқиб кемага ўтириб, Малиборга қаровчи Пан-дарона бандаридан ўтиб, Биҳонагар мамлакатига чегарасининг бошланғичи бўлган Мангалурга етиб келдим. Бу ерда икки-уч кун туриб, қуруқлик йўли билан равона бўлдим, Мангалурдан уч фарсанга н гарида мен бир бутхона кўрдимки, бутун жаҳонда унинг тенги топилмайдиган: тўрт бурчак шаклида, тўрт тарафи бир-бирига тенг — таҳминан ўн газдан, баландлиги эса беш газ келади; ичида тўртта сулпаси бўлиб, ҳаммаси рух /бронза/дан қуйилган. Қиравершишда сулпага тик турган одам суратида, тилладан қуйиб ишланган бир бут бор, бутнинг икки кўзига иккита қизил ёқит шундай нозиклик билан ўрнатилганки, худди тирик кўз қараб турипти дейсан, шу қадар диққат ва камолоти санъат билан ишланган.

Бу ердан ўтган, ҳар кун бир обод шаҳарча ёки қишлоқни босиб ўтиб, бир тоғнинг олдидан чиқилди; унинг этаги офтобнинг бошига соя ташлар, тифдек қўқиса эса Баҳром юлдузининг гардиандан ўзига қин ясаган, бели ўртаси ялтираб туровчи Жавзо юлдузларининг узуклари билан беэзаган, боши тепаси эса Икки юлдузининг нуруний тожи билан шуъаланиб туради. Байт:

У тоғнинг ўртасига тегиб турганлиги учун  
Осмоннинг бутун танаси худди  
бинафша баргидек кўм-кўк.

Тоғнинг этаги йўгон-йўгон дарахлар ва тиканли чакаллар билан шундай ўралганки, у ердаги қоронғилик оламни ёритувчи офтоб шамъидан ҳеч қачон нурланмаган ва жаҳонни парварши қилувчи булут ёмғири бу тупроқни тарбия қилишда ҳеч маҳал галабага эриша олмаган.

Мен бу тоғ ва чакалқордан ўтиб, иморатлари ва унда яшовчи гўзаллари жаннат ҳурлари ва қасрларидан дарак берувчи Билур деган қишлоққа етдим. Бу Билурдан бир бутхона бўлиб, у шу қадар баландки, бир неча фарсанг ердан кўринади. Бу иморатнинг сифатини ёзиб ва сўзлаб тушунтириб бўлмайдиган десак муболага бўлмайди. Қисқа қилиб айтганда: бу қишлоқнинг ўртасида ўн жароига яқин худди Эрам боғидек дилқаш очик ер бор. Бу очик ердаги гуноғун гуллар худди дарахт баргларидек беҳисоб, ариқ лабидоғи сарвинг қадди тик, худди йилғаб турган ошик кўзлари ёшидаги ёр қоматининг аксидек кўзга ташланади; чинор у боғнинг ёшлик шохидан баҳраманд бўлиши учун қўлларини муттасил дуога кўтарган. Қўҳна осмон буни тамоқ қилишда бутун вужуди кўзга айланиб, чаманнинг бу тоза русорларининг боши устида парвона бўлиб туради, хайратининг ўрғилдиган хушбўй райоҳлар варақ /барг/ларини мутлола қилишда боши айланади. Бу сабза ва райоҳлар экилган ерининг ҳаммаси ва у тоқ равоққа ўхшаб қўринадиганларнинг атрофи тарошланган тошлар билан гўл безатилган. У очик ерининг ўртасида одам бўйича келадиган баландликда яхши тошлардан йўниб ишланган бир курси бор. Тошлар шундай маҳорат ва латофат билан бир-бирига уланганки, худди бир тахта тош ёки илранг осмондан ер юзига узилиб тўшган бир парча дейсан. Бу курсининг устида тепаси Аюқ юлдузига туташган бир иморат бўлиб, унинг гўмбази маҳрутий /конус/ шаклида йўнланган кўк тошдан ишланган, устидан уч қават қилиб турли-туман нақшлар ўйилган.

Байт:  
Мен бу гўмбаз ҳақида нима ҳам  
дея олардимки, у ўз латофати билан  
жаҳон учун олий жаннатнинг бир  
нусхасидек эди.

Унинг баланд тоқининг эгилган  
ери янги тугилган ойдек  
Баландликдан осмонга елкасини  
суркак туради.

Ўткир қалам ва сарҳли хома билан у тошларнинг устига шундай нақшлар ишланганки, буларга ўхшашни ким-хоб ва хорларнинг устига ҳам солиб бўлмайди. Шундай қилиб, бу буюк иморатнинг тағидан то тепасигача қўл қафтидек келадиган жойи ҳам фаранг ва Хитой нақшларидан холи эмас. Тўртта сахли спунанинг устига қурилган иморатнинг сурати: узунлиги ўттиз газ, эни йигирма газ ва баландлиги, таҳминан, эллик газ.

Форсчадан Асомиддин УРИНБОВ  
таржимаси.  
(Давоми бор.)

Хоро! — атласнинг бир тури.

Ўзбекистон Республикаси Вазирлар Маҳкамасининг Истиқболни белгилаш ва Статистика давлат қўмитаси Бош ҳисоблаш маркази томонидан Тошкент автомобиль йўллар институтига берилган «Ҳўжалик юритувчи субъектининг қорхоналар ва ташкилотлар давлат реестрига киритилганини ҳақидаги» гувоҳномаси (№ 004504-10.03.1995 йил ОКПО 02072469) йўқолганлиги сабабли  
БЕКОР ҚИЛИНАДИ

Тошкент вилояти, Янгиёул тумани, Катталар таълим маркази томонидан, 1996 йилда, Асадова Азиза Раимжоновна номига берилган А-093303 рақамли етуклик аттестати йўқолганлиги сабабли  
БЕКОР ҚИЛИНАДИ

Хуш келибсан, элимизга Янги йил, Бугун яна қувончларга тўлди дил. Кел, марҳаб кумуш қишининг зийнати, Кутлуғ бўлсин қадамларинг Янги йил.



## ҚАДАМЛАРИНГ КУТЛУҒ БЎЛСИН, ЯНГИ ЙИЛ!


Ҳақиқатан ҳам қалбларимизни олам-олам шодлиғу қувончга тўлдириб кутлуғ қадамлар билан Янги йил кириб келди. Ёшу кекса-нинг кўнглида айна дамба фақат оппоқ, ойдин орзу-тиллақлар тугён ураётгани шубҳасиз. Дўст-биродарлар, акин жигаргўшалар, ҳамма-хамма бир-бирини Янги йил билан кутлаб, фақат ва фақат эзгу тилларини билдиришмоқда. Янги йилмиз хайрли йил бўлсин, аввало юртимизда тинчлик, фаровонлик, хонандларимизда тотувлик, омонлик, бахт ва омад барқарор бўлсин, дея чин кўнгилдан ният қилмоқдамиз. Янги йилни албатта барча ҳамюртларимиз шодиёна руҳда кутиб олдлар.

Эътибор берган бўлсангиз, Янги йил арафасида кумуш қиш фасли ҳам атроф-борлиқни оқликка, поқликка бурқаб, ҳаммамизни орзиқиб кутган қор билан сийлади. Бу ҳам ҳамюртларимиз учун Янги йил туҳфаси бўлди, десак адашмаймиз. Янги йилмиз бошланишида ҳам кўчаю майдонлар, хиёбонлар оппоқ қор билан қопланди. Болаларнинг қувончини айтмайсизми, чаналарни тортишиб, Қорбобо ясаб, қорбўронлар йўнашни орзиқиб кутинмоқда эди. Бу кумуш қишининг зийнати ахир. Яшил арчалару дарахлар ҳам ниҳоят қишки либос-



ларини кийганларидан қувониб, мағрур туришибди. Оқлик - поқлик, тинчлик, беғуборлик рамзидир. Илоҳим ҳар биримизнинг кўнглимиз мана шу оппоқ қор сингари фақат пок ва беғубор, эзгу ниятлар билан тўлсин. Юртбошимиз ташаббуслари билан эълон қилинган Ҳомийлар ва шифокорлар йиллида бир-биримизга яхшилик улашиб, ёрдамга муҳтожларга доимо кўмак бериб яшайлик. Бу ганимат дунёда инсондан фақат яхшилик қолади. Савоб ишларга бош қўшиб яшаш ширимиз бўлсин. Қалбларимизда меҳр-оқибат, одамийлик фазилатлари ҳаммиша юйғонсин. Юртбошимиз таъкидлаганларидек «Савоб ишни ҳар ким, ҳар кун қилиши керак». Шу боис савоб ишларга бош қўшиб яшайлик. Ана шунда ўтаётган ҳар бир йилмиз чукур мазмун ва моҳиятга эга бўлади. Қилган ишларимиздан кўнглимиз тўлиб, юзимиз ёруғ бўлиб юради.

Янги йил ҳаммамиз учун хайрли, самарали, яхши йил бўлсин, деб умид қиламиз.  
Дилором ИКРОМОВА




**БАЙРАМ КУНЛАРИ**

- 1 январь — Янги йил
- 8 март — Хотин-қизлар куни
- 21 март — Наврўз байрами
- 9 май — Хотира ва Қадрлаш куни
- 1 сентябрь — Мустақиллик байрами
- 1 октябрь — Ўқитувчилар ва Мураббийлар куни
- 8 декабрь — Ўзбекистон Республикаси Конституцияси куни
- Рўза ҳайитининг биринчи куни
- Қурбон ҳайитининг биринчи куни



**2006 ЙИЛ — ҲОМИЙЛАР ВА ШИҶОКОРЛАР ЙИЛИ**

ЯНВАРЬ					ФЕВРАЛЬ					
Д	2	9	16	23	30	Д	6	13	20	27
С	3	10	17	24	31	С	7	14	21	28
Ч	4	11	18	25	Ч	1	8	15	22	
П	5	12	19	26	П	2	9	16	23	
Ж	6	13	20	27	Ж	3	10	17	24	
Ш	7	14	21	28	Ш	4	11	18	25	
Я	1	8	15	22	29	Я	5	12	19	26



ИЮЛЬ					АВГУСТ					
Д	3	10	17	24	31	Д	7	14	21	28
С	4	11	18	25	С	1	8	15	22	29
Ч	5	12	19	26	Ч	2	9	16	23	30
П	6	13	20	27	П	3	10	17	24	31
Ж	7	14	21	28	Ж	4	11	18	25	
Ш	1	8	15	22	29	Ш	5	12	19	26
Я	2	9	16	23	30	Я	6	13	20	27

МАРТ					АПРЕЛЬ					
Д	6	13	20	27	Д	3	10	17	24	
С	7	14	21	28	С	4	11	18	25	
Ч	1	8	15	22	29	Ч	5	12	19	26
П	2	9	16	23	30	П	6	13	20	27
Ж	3	10	17	24	31	Ж	7	14	21	28
Ш	4	11	18	25	Ш	1	8	15	22	29
Я	5	12	19	26	Я	2	9	16	23	30

СЕНТЯБРЬ					ОКТАБРЬ					
Д	4	11	18	25	Д	2	9	16	23	30
С	5	12	19	26	С	3	10	17	24	31
Ч	6	13	20	27	Ч	4	11	18	25	
П	7	14	21	28	П	5	12	19	26	
Ж	1	8	15	22	29	Ж	6	13	20	27
Ш	2	9	16	23	30	Ш	7	14	21	28
Я	3	10	17	24	Я	1	8	15	22	29



МАЙ					ИЮНЬ					
Д	1	8	15	22	29	Д	5	12	19	26
С	2	9	16	23	30	С	6	13	20	27
Ч	3	10	17	24	31	Ч	7	14	21	28
П	4	11	18	25	П	1	8	15	22	29
Ж	5	12	19	26	Ж	2	9	16	23	30
Ш	6	13	20	27	Ш	3	10	17	24	
Я	7	14	21	28	Я	4	11	18	25	

НОЯБРЬ					ДЕКАБРЬ					
Д	6	13	20	27	Д	4	11	18	25	
С	7	14	21	28	С	5	12	19	26	
Ч	1	8	15	22	29	Ч	6	13	20	27
П	2	9	16	23	30	П	7	14	21	28
Ж	3	10	17	24	Ж	1	8	15	22	29
Ш	4	11	18	25	Ш	2	9	16	23	30
Я	5	12	19	26	Я	3	10	17	24	31

**ТОШКЕНТ ШАҲРИНИНГ АСОСИЙ ХИЗМАТЛАРИ**

- Ёнги хавфсизлиги хизмати — 01
- Милиция — 02
- Тез ёрдам — 03
- «Тошгаз» авария хизмати — 04
- Қутқарув хизмати — 050
- Темир йул бошқармасининг маълумотномаси — 005
- «Тошшаҳарйўловчитранс» такси буюртмаси — 062
- Дорихоналар бўйича марказий маълумотнома — 069
- Шаҳарлараро сўзлашувлар учун буюртмалар — 07
- Ташкилотларнинг телефонлари ва об-ҳаво маълумотномаси — 09
- Шаҳарлараро телефон тармоғи маълумотномаси — 007
- Хонадонларнинг маълумотномаси — 009
- Халқаро сўзлашувлар буюртмаси — 061
- Шаҳар телефон тармоғи иши бўйича кечяо кундуз маълумотномаси — 064
- Топилмалар бюроси — 53-05-79
- «Қора дола» маросимлар хизмати — 35-81-75, 34-34-01
- «Тошкент» автовокзали — 79-39-29 (15)
- ТЕЛЕФОН ТАРМОҚЛАРИНИ ТАЪМИРЛАШ ХИЗМАТИ**
- Тўғри ўтказгичларни таъмирлаш хизмати — 068
- Марказий алоқа тармоғи — 083 — 135-04-25 — 135-09-10
- Собир Раҳимов алоқа тармоғи — 084 — 29-04-25 — 29-09-10
- Миробод алоқа тармоғи — 085 — 55-04-25 — 55-09-10

**Қўнғироқ, қилинг, сўранг, билиб олинг**

- Мирзо Улуғбек алоқа тармоғи — 086, 162-04-25, 162-09-10
- Чилонзор алоқа тармоғи — 087 — 367-04-25 — 367-09-10
- Янгиобод алоқа тармоғи — 089 — 97-04-25 — 97-09-10

**МАРКАЗИЙ АВАРИЯ-ДИСПЕТЧЕРЛИК ХИЗМАТЛАРИ**

- Ичимлик суви тармоқлари — 133-15-95, 133-75-95
- Шаҳар оқава сув тармоқлари — 135-40-11, 135-43-79
- Шаҳар электр тармоқлари — 133-77-53
- Иссиқлик тармоқлари — 133-32-32

**«ТОШГАЗ» БОШҚАРМАСИ ТУМАН ДИСПЕТЧЕРЛИК ХИЗМАТЛАРИ**

- Марказий авария-диспетчерлик хизмати — 55-49-52
- Учтепа — 74-44-34
- Бектемир — 92-90-04
- Миробод — 54-15-61 (62)
- Мирзо Улуғбек — 167-46-24
- Собир Раҳимов — 398-35-48
- Сергели — 58-78-52
- Ҳамза — 96-24-45 (39-80)
- Чилонзор — 367-09-22
- Шайхонтоҳур — 42-39-26
- Юнусобод — 112-25-12
- Яккасарой — 55-49-59

**ТУМАН ҲОКИМЛИКЛАРИ ҚАБУЛХОНАЛАРИ**

- Учтепа — 74-03-38
- Бектемир — 195-02-46
- Миробод — 133-29-86
- Мирзо Улуғбек — 68-94-04
- Собир Раҳимов — 29-00-93
- Сергели — 58-06-20
- Ҳамза — 133-33-72
- Чилонзор — 367-00-94
- Шайхонтоҳур — 41-21-53 (88-71)
- Юнусобод — 137-61-41
- Яккасарой — 55-74-49

**ТУМАН ИЧКИ ИШЛАР БЎЛИМЛАРИ**

- Учтепа — 72-99-57
- Бектемир — 195-02-39
- Миробод — 191-58-02
- Мирзо Улуғбек — 167-33-50
- Собир Раҳимов — 46-09-90
- Сергели — 58-02-42
- Ҳамза — 96-06-30
- Чилонзор — 78-20-71
- Шайхонтоҳур — 42-35-02
- Юнусобод — 135-00-02
- Яккасарой — 55-94-96
- Шаҳар ИИБнинг ишонч телефонлари — 133-64-97, 136-75-82

**ТЕЗ ТИББИЙ ЁРДАМ ТУМАН ХИЗМАТЛАРИ**

- «03» бўйича навбатчилар — 136-73-60 (32)
- Собир Раҳимов 2-болалар — 398-37-29
- Шайхонтоҳур 3-катталар — 41-23-49, 41-24-63
- Учтепа 4-катталар — 72-32-04
- Мирзо Улуғбек 5-катталар — 66-44-27 (26)
- Юнусобод 6-болалар ва катталар — 21-42-70
- Яккасарой 10-катталар — 55-85-54
- Сергели 8-болалар ва катталар — 58-70-76
- Чилонзор 9-катталар — 116-73-88 (89)
- Миробод-Ҳамза 7-катталар — 90-70-03 (01)
- Собир Раҳимов 13-катталар — 398-46-77 (37-29)
- Ҳамза-Миробод 3-болалар — 97-77-79
- Бектемир 16-катталар — 195-10-03

**ИЖТИМОИЙ-ТАЪМИНОТ БЎЛИМЛАРИ**

- Шаҳар бош бошқармаси — 136-00-25
- Учтепа — 72-36-72
- Бектемир — 195-06-23
- Миробод — 56-54-96
- Мирзо Улуғбек — 169-14-59
- Сергели — 58-39-35
- Собир Раҳимов — 398-19-03
- Ҳамза — 367-82-90
- Чилонзор — 367-87-10
- Шайхонтоҳур — 49-05-66
- Юнусобод — 135-52-04
- Яккасарой — 50-85-31

**МЕҲМОНХОНАЛАР**

- «Интерконтиненталь» — Ташкент — 120-70-00
- «Саёҳат» — 68-67-42, 68-67-30
- «Марказий» — 138-30-00
- «Ўзбекистон» — 136-00-77, 127-77-77
- «Турон» — 41-07-05
- «Ле-Гранд плаза» — 120-66-00



Бош муҳаррир  
Акмал АКРОМОВ

Манзилимиз: 700000,  
Тошкент шаҳри,  
Матбуотчилар кўчаси, 32

МУАССИС: ТОШКЕНТ ШАҲАР  
ҲОКИМЛИГИ

Буюртма Г-308

**ТЕЛЕФОНЛАР:**

хатлар — 133-29-70; эълонлар: 133-28-95,  
136-57-65. факс: (3712) 133-21-56.

Ҳажми — 2 босма табоқ офсет усулида босилади.  
5218 нусхада босилди.  
Қоғоз бичими А-2

**Газета Тошкент шаҳар**

Матбуот ва ахборот  
бошқармасида 02-1-рақам  
билан рўйхатга олинган.  
Душанба, сешанба, чоршанба,  
пайшанба ва жума кунлари чиқади.  
Нашр кўрсаткичи — 563

Нашрни etkazib бериш масалалари бўйича  
турар жойлардаги почта бўлимларига ёки  
«Тошкент почта»га — 133-74-05 телефонига  
муурожаат қилишингиз мумкин.

Газета «Тошкент оқшомининг» компьютер  
марказида терилди ва саҳифаланди.  
«Шарк» нашрийт-матбаа акциядорлик компанияси  
босмахонаси. Корхона манзили: «Буюк Турон» кўчаси, 41-уй.